

- 34-10-F-12

27

3

21

EMINENTISS. PRINCIPI

MARTIO
CARDINALI
GINETTO



Sanctiss. D. N.

VRBANI VIII.

VICARIO.

ET SEM. ROM. PROTECTORI.

THOMAS DADVS VRBINAS

SEM. ROM. CLERICVS. F.



D proemium Orato-
riæ laudis cumulan-
dum, quam in luone
feliciter partam bo-
no Romanæ Curix
lumine mea demon-
stravit Oratio; hoc
vnum luonis gloria videtur exposcere, vt

A

cam

eam in terris etiam nanciscatur lauream,
 quæ eam, quam è Cælo decerpfit, hoc
 est flammeam, viua colorum imagine
 imitetur. Quandoquidem tam Cælo
 militauit suo, quàm terris. Quod ne
 desit, quò mihi confugiendum sit vides
EMINENTISSIME PRINCEPS; ad
 tuam scilicet humanitatem, quæ non
 minus vernat in Purpura, quàm in Ro-
 sa. Ad tuam ergo festinat Rosam læta-
 bunda Oratio. Tu pro ea, qua soles
 omnes beneuolentia excipe ad te vltro
 festinantem. Tantum audet illa quam-
 uis horrida spinis; quia nimirum bene-
 nouit spinarum satellitium, hoc est ob-
 sequiosam seruitutem deberi Rosæ.

Vale.



OKA

ORATIO



VICVNQVE Gigantis in speciem splendoras inter serena noctis tenebras matris vultum luonem contemplatur, si maximum dixerit Oratorem, hic sane in somnio plurimum vigilat Eminētissimi Principes! Etenim singula Oratoria facultatis decora expressisse inde, ornamenta omnia expleuisse, quæ in pluribus effinxit verius quam laudavit antiquitas, quis maximi Oratoris esse inficiabitur? Et hanc quidem in luone bene partam laudem, quoniam per veritatem licet humanitatem, amor est iucunda rerum ab eo gestarum commemoratione diligenter exquirere. Neque verò, ne iniucunda vobis accidat Oratio, pertimesco. Siquid enim in suaue, si quid ingratum ingenij tenuitate mei contigerit, id luonis auream dicendi copiam mitigaturam esse confido. Ergo eloquentia suadere primus Oratoris nostri labor fuit. nam præclaris ortus natalibus Puer,

vix primioribus , vt aiunt , hauserat hunc vitæ spiritum labris , vix linguam soluerat in voces , cum summa precum cœpit eloquentia perorare . Dixisses in gremio matris prauisum de se oraculum explendum meditari . Dixisses non modò factum , sed eloquentissimum natum Oratorem . Et mentiar , ni fuerit eloquentissimus Orator Iuo , qui sapius in sublime raptus corpore , in perpetuam vigiliam excubans corde , ad confinia noctis vsque Deo vacans declamauit ad eam solam clepsydram , quam pietas præscripsisset : qui septem solidos dies, totidemq, noctes abalienatus à sensibus, ingenti mentis, animiq, conatu in precibus fuit , adeo vt si dixeris Iuonem Cæli ciuem, inquilinum terræ , dixeris sapienter . Nimirum, qui centum in se aperuit ora, quid si tanta præstet eloquentia? Et non centum aperuit ora , qui è cunis egressus , solutus fascijs totidem aperuit vulnera , dum latus ferrea discerpfit catena, quibus in ampla & locuplete domo, hoc est in ipso voluptatis regno constitutus in regnatricem diceret voluptatem? Vsque adeo eloquentissimus extitit Orator, vt quod antiquiorum decantatum fuerat solummodo votum Oratorum , qui centum ora sibi poscebant, id feliciter Iuo perfecerit . Iam vero in Patria Domo bene

dis

dicendi peritus Adolescentior cōtendit Lur etiam
 primū, Aureliam deinde, non tam studiosus,
 quam Orator iuris, qui tam feliciter quid Deo,
 quid sibi, quid cæteris, tribuendum esset rebus
 gestis, vel ab infanciam pronunciauit. Hic enim
 vero sermonem habuit plane aureum, alterum
 Oratoriæ laudis in Iuone præconium. Neq; enim
 in aurea Vrbe aliud nisi aureum sonare debet
 eloquium: Neque in Oratore, & illo quidem
 maximo debuit tanta gloria desiderari, quam in
 suis Oratoribus per summam assentationem fin-
 xit antiquitas, an verius desiderauit. Quod vt
 clariùs exponam, ponite vobis ob oculos A. A.
 Iuonis domum hospitem Peregrinis, apertam
 Pauperibus, frequentem ægrotantibus, vni sibi
 peregrinam, qui die per fora, per vicos, noctu
 per immensos cæli tractus spatiabatur. Atque hic
 in vnum Iuonem mentis aciem defigite, nume-
 rosæ pupillorum, pauperumq. multitudinis me-
 dium, tantisper domi commorantem. An non
 videtis, vt Orator plane maximus, qua vena ube-
 riore, & sine lege, qua strictiore, sed multo
 cum pondere, quâ medio quodam tenore ma-
 nu, lingua scilicet cordis, modo auro, modo
 argento plena suam disertissimè demonstrat in
 Egenos caritatem, misericordiam in calamito-
 sos

sos, in pupillos sollicitudinem omnino pater-
 nam. O quam gratus pauperum illorum auri-
 bus insonuit ille sonus quam carus, quia aureus!
 Vt verius affirmare possim hominum aures Gal-
 lici Iuonis aureis catenis illigatas esse, quam Gal-
 lici Herculis auro, splendido sanè mendacio suas
 finxere Veteres illigatas. Hominibus aures dixi è
 Immo etiam ipsum de Deum aurea illa fandi co-
 pia deuinctum è patria Sede, hoc est è Cælo ra-
 pere ad se Iuonis proprium fuit. Altius memo-
 ria reperite instructissimum illud conuiuium,
 quod in numeris dulcium Ordinum, Nationum-
 que Pauperibus pia parauerat Iuonis liberalitas.
 An non adfuit illi etiam ipsemet Deus pauperis
 in speciem sordidari conuiui, qui largiter cibo
 pastus, recluso tandem illo immortalitatis mysta-
 re, sippario dum euangit, cumulatissimo sanctissima
 pacis munera donauit Iuonem. O sæcula verè
 aurea! O fortunata tempora! Quatrem Superio-
 rum nulli felicitate concedentem! Sed tu potio-
 rem tantæ felicitatis in partem venis Aurelia,
 quæ una poteras dignum Iuonis auro aperire
 Theatrum, quia vel in homine fulget aurum.
 O quantas intra mœnia excepisti diuitias, dum
 ipsam diuinitatem excepisti! Splendidior profe-
 cto Iuonis auro quam tuo tantum ceteris Gallia
 Vr-

Urbibus præstas, quantum ceteris communi ho-
 minum æstimatione præstari aurum metallis.
 Missam libenter hic facio labentem Puellarum
 pudicitiam, numerata pecunia sustentatam, inlo-
 cabiles Virgines ampla instructas dote, integras
 egenorum familias infinita nummorum eroga-
 tione leuatas, ære alieno adstrictos summa libe-
 ralitate solutos, anxiam illam denique curam,
 quæ per vias, per vicos, per Urbem, cursitans,
 pauperes, ac Peregrinos usque adeo, ut ita dicam
 venabatur, ut planè ambigeres violentiusne
 domum raperet illos, an felicius ille in eorum
 rapèretur amplexus. Ecce autem facundum li-
 ludaurum mutatur in fulmen: audio cohærenti
 in tonitru suaque illud eloquium. An veritus ille
 ideim sonus, qui pauperum bono domi insonuit
 aureus, insonuit in foro fulminatus in audaciam
 potentiorum? Certe tam acriter pauperum cau-
 sas virorum Principum auctoritate laborantes su-
 stinuit, ut ad viuacem posterorum memoriam,
 gloriamque immortalem suam Pauperum Patro-
 nus dictus sit. Appellatione humili quidem per
 annos iam transactos, ac in posterum gloriosa,
 quia Iuonis est. Siquidem hoc etiam habet Or-
 toria laus Iuonis omnino maxima, ut cum nihil
 gloriæ causa faciat, omnia tamen sint gloriosa
 quæ

quæ facit. Proh quanto eloquentiæ fulmine cor-
 ruscabat Iuo apud Iudicum tribunal dum oppres-
 sam videbat Paupertatem? Vidisses illum pon-
 derosis rationum momentis detectas retundere
 fraudes accusantis, legum iurisq. iaculis illius au-
 daciam ferire, opposita facile Iurisconsultorum
 auctoritate diluere. At in cassum laboras Vir
 sanctissime, non tam pugnat in te. potentiorum
 vis, quam Iudicis avaritia. Auri splendore per-
 strictus Iudex sensus habet ad tua fulmina conso-
 pitos. Hic enim uerò seueritatis veluti nube con-
 tracta in vultu portentosa minarum tempestate
 resonare, humanarum, Sacrarumq. legum fulmi-
 ne fulgurare, prouocare ad iustissimam æterni
 Iudicis sententiam, æternorum suppliciorum im-
 minentem horrorem incutere, tonare, fulmina-
 re, omnia Pericle salubrius permiscere. In diui-
 na autem causa peroranda quantus extitit hic no-
 ster Orator? Testes estote vos milites in Sacra
 templa prædabundi irruentes, in quos ore solum
 minaciter seuerò fulminauit Iuo, Vos Vrbes, Vos
 Oppida, Pagi, Gallia tota testis est, quæ è suge-
 sto Iuonem, quæ in vitiorum agmen acriter de-
 clamantem, quæ pro virtute valido vocis impetu
 dicentem, quæ concitata Oratione perditos ho-
 mines è vitiorum cœno cogentem emergere, quæ
 clæ

clarè, dilucidèq. demum audisti sacra legis no-
 stræ dogmata explicantem. Et quantum extitit
 per Deum immortalem emolumentum! Nefa-
 riorum hominum præceptis improbitas è scelere
 reuocata, intestinis dissidentes odijs beato pacis
 fœdere conciliati, lapsa religionis disciplina ra-
 stigato veteri luxu ad pristinam redacta feueri-
 tatem, splendor restitutus aris, templis reueren-
 tia, honor Deo, Religio fides, sanctitas, diutius
 ab hominum animis relegata in antiquam co-
 rundem rediere possessionem. Sic nimirum illa
 verborum erudita tempestas serenitas fuit ani-
 morum. sic ille charitatis ignis, qui in fulmi-
 nantis emicabat ore, beatæ pacis discolor Iris il-
 luxit. sic illud concitati pectoris tonitru, dum
 teterrimi prædonis mentem in nostra damna
 vigilantem depressit, homines vitiorum se-
 nio torpentes ad prælium excitauit gloriosum.
 Iam vero satis est Iuo tibi declamatum. Sume
 nunc meritam tuis rebus præclare gestis coro-
 nam laurea donandus non iam Appollinari, sed
 quia ipsammet diuinitatem flexisti, diuina. Be-
 ne est: votum audiit Deus: voto subscripsit: San-
 ctissimumq. Pauperum Patronum senio confe-
 ctum, maturum Cælo inter pluuias diuini Spiri-
 tus flammæ, flammeis linguis, hoc est se ipso co-

ronauit. Nimirum, qui diserrâ autem eloquij ca-
 tena Deum ligauit, quid si Deo coronetur? At
 que hic etiam cum Iuone coronato postremam
 par est sortiri coronidem Orationem meam; si
 vestro prius ordini, Principes causarum, Arbitri,
 tantam gratulatus fuero gloriam, tantam felici-
 tatem. Nam non est cur fragiles, mortagi-
 -nalesque iametis, lauros, quibus melior in
 -flammis virescit corona. Hæc ad
 -ponemur. Cælo transmissa, simul de
 -lli transmittetur etiam Iuo-
 -nis patrocinio hæc
 -ditatio tanquam
 -si iure ad vos
 -non mi-
 -nus
 -dignita-
 -tis hæc
 -Aurea
 -D. I. X. I.

4
26




DE S. SPIRITVS
ADVENTV
ORATIO
IN SACELLO PONTIFICIO
QVIRINALI
HABITA
A Iacobo Tolomeo Pistoriens
Rom. Sem. Con.

34-10-F-12-




De S^{pi}ritus aduentu.



ILLVSTRISS. AC REV.^{MO}

S. R. E. CARDINALI
**MARTIO
GINETTO**

S.^{MI} D. N. VRBANI VIII. VICARIO
ROM. SEMIN. PROTECTORI.



IACOBVS TOLOMEVS F.



VAE prima sub
tuis auspicijs, IL-
LVSTRISS.^{ME}
PRINCEPS, Te
nempe Romani
Seminarij Patro-
no, de S. Spiri-
tus aduentu, lucem videt oratio; tuo

A 2

potif-

29

27

potissimum debuit & commendari
patrocinio, & nomini dedicari. Ut
hæ pietatis ac literarum primitiæ,
quæ prouenerunt ex hoc bonarum
artium hortulo, iam tuo, quique non ita
pridem didicit ex tua Rosâ vernare;
Tibi tanquam Domino, præ cæteris
offerantur. Eiusdem quippe primiti-
uos præcipuè fructus esse decet, cuius
in potestate sunt & arbor, & fundus.
Tu quo soles humanissimo vultu nos,
& nostra, imò tua respicere; hoc ex-
cipe palam propositum argumen-
tum & auctoritatis tuæ, & obseruan-
tiæ meæ. Vale.



IGNEA



IGNEA CORONA.



D cœlestis Ignis victorias
enarrandas, B. P. oppor-
tune satis Igneæ de cœ-
lo linguæ labuntur :
quæ dum Regalium Sa-
cerdotum capitibus ar-
dentem de se texunt co-
ronam , facunda luce declarant , Ignem
suum coronarium esse , ac triumphalem .
Et iure, quibus hoc cœlesti prodigio trium-
phus portendebatur de terris , non ferro ,
sed igne ferri domitore vincendis ; non
lauro decuit capita coronari , sed flammis.
Vt idem ille, qui cor inflammabat ad pu-
gnam , spem excitaret ad palmam : & qui
sub huius Ignis militabant auspicijs , ante
se victores agnoscerent , quam bellatores .
Prælia quippe flammæ triumphi sunt :

A 3

quo-

quorum pompa lux est, quorum plausus fragor incendij. In quibus dum obsidione flammarum circumuenitur hostis, & coronatur; quid aliud est ignis ipse quam corona? Et meritò dum bellum inferitur, victoria præfertur ab igne, qui cæterorum corporum victor est. Cumque alia domet, atque absumat omnia, nihil, quo corone-
tur, præter se, reliquum habet. Hæc ergo Corona Ignea, qua prima illa Christiani generis capita, non tam de cælo tacta, quàm redimita sunt, nostros ad se rapit oculos, ut contemplemur; animos, ut veneremur: atque in his coronarijs cæli flammis præcipuas agnoscamus victorias, quas ignis vel in campo Naturæ, vel in Artis theatro reportare consuevit. Re-
rum cæterarum victricem ignis esse po-
tentiam, vel ipse testatur Mundus, qui
ut validissimo murorum sæpimento muniretur, igneis fuit moenibus circum-
septus. Hoc enim vnum ex omnibus in-
uictum elementum.

Manil. Flammæ vallo natura moenia fecit,
Apro. At quanto validiore munimento Chri-
lib. I. stianæ

7
 stianæ Reipublicæ mundum alterum, se se
 vallaturum pollicitus est eius fabricator, &
 custos Diuinus hic Spiritus: dum per san-
 ctissimum olim vatem immutabile fudit
 oraculum: Ego ero ei murus Ignis in cir-
 cuitu: Et sibi metuat ab hostili ferro Ci-
 uitas Dei, quam cœlestis Ignis tuetur?
 Trepidet ab hominum incurſu, quæ se
 videt in complexu Diuinitatis? Non ar-
 ma quæuis eliquabunt hæ flammæ? Non
 audaciam compeſcet hic ardor? Non fu-
 dorem ex inimicis vultibus; non sangui-
 nem ex venis hic Ignis eliciet? Ex ipſo
 verò natali ſuo victor elementorum om-
 nium pronuntiatus eſt ignis, cum in
 quadripartita primorum corporum ſede
 ſupremum, ac nobiliſſimum obrinuit lo-
 cum. Decet enim ſupra elementa cætera
 illud eſſe, quod iſdem vincendo ſuperius
 eſt. Vincit ignis terrarum molem, cuius
 maxima, ac munitiſſima membra, deſenſas
 fruſtra moëmbus, vrbes, vſrequentibus
 exhaurit incendijs. Vincit aquarum vim
 gelidam, humentemque, hoc eſt ſibi
 prorsus inimicam; dum è fontibus ali-
 quot

Plin l.
 2. cap.
 104. &
 107.

quot, ac stagnis flammæ victrices exi-
 stunt. Aërem denique finitimum vincit;
 dum illum non modo in potestatem, sed
 in ipsam redigit naturam suam. At
 quanto cœlestis Ignis illustriores sunt,
 amplioresq; victoriæ? Quas ille mundi par-
 tes non suis nobilitavit triumphis? Aspi-
 ce terrarum tractus immensos à Diuini
 Spiritus triumphalibus flammis occupatos;
 non ut verterentur in cineres, sed ut reno-
 uaretur facies terræ: imò ut terra ipsa verte-
 retur in cœlum, hoc est in patriam flamma-
 rum. Ignis quippe cœlestis missus in ter-
 ram est, ut accendatur, & ubiq; gelu super-
 stitionis extincto, vel Borealiū glacies
 regionum ardore charitatis ignescat. De
 aquis vero Diuinam hanc flammam trium-
 phasse quis neget? Si (quemadmodum
 in Sacris mundi memoratur annalibus) ab
 ipso rerum exortu, Spiritus Domini fereba-
 tur super aquas. Imò verò continenter
 ijs incubat: ut quot inde homines ad me-
 liorem vitam excludit, tot erigat spirantia
 suæ monumenta victoriæ. Aërem ipsum
 Diuinus hic Ignis ea præsertim ignea ne
 dixerim,

9
 dixerim, an aurea, tempestate subiecit: qua
 nubila mœroris, ac timoris abijciens, cla-
 rissimam inuexit mundo serenitatem. Il-
 le ipse sonus aduenientis Spiritus vehe-
 mentis, quid aliud fuit, nisi tuba non tam
 hortata pugnātem, quā gratulata vin-
 centi: nisi triumphantis de aëre Ignis
 plausus, & carmen: nisi aëris ipsius, vnde
 sonus ille reddebatur, iam cedentis, iam
 se victum fatentis vox in Ignis triumpho
 gloriosissima? Igneæ verò linguæ, qui-
 bus pro voce lux erat, ardor pro spiritu;
 quid aliud loquebantur, quam suas victo-
 rias ab aëre, in quem impetum faciunt, re-
 portatas? Quod si linguam ignis illam
 esse dicamus, qua cœlum loquitur; imò
 succenditur, dum succenset in terras: cum
 videlicet excandescit fulgure, tonitru com-
 minatur, fulminea demum lingua pe-
 remptoriam dicit mortis sententiam: an
 non hæc etiam in aëreo campo aërem
 ipsum perumpit, fugat, ac fundit? Vt pro-
 pterea viuida sit imago flammarum elo-
 quentium, ardentiumq; linguarum, quibus
 hodierna luce Spiritus Diuinitatis arma-
 tus,

tus, in aëreas potestates Igne fulgurauit, in-
tonuit sono, aduentus sui uehementia ful-
minauit. Illæ deinum de aëre triumphare
videntur flammæ, mortalium summis capi-
tibus formidata; quæ non modo sangui-
neos crispantur in crines, atque horrentes
comas, unde nomen inuenerunt; non mo-
do vibrantur ut iacula, fastigiantur ut gla-
dij, ventilantur ut faces; quæ pugnantis
arma sunt ignis: verum etiam, ne quis
eundem ausit negare victorem, in arden-

*Plin. l. 2
c. 25.*

*Id. cap.
28. 29.* tes coronas circinantur. Quare mirum
non est, à Regibus timeri hæc malorum
coronata prodigia. Sed ò tuam solis no-
centem noxis, ac flagitijs formidabilem
lucem, ignis Diuine. Horreant splendorem
tuum, qui malè se tutantur tenebris suis,
Timeant ab isto fulgore, qui præ tantò cœ-
li ardore non amant. Quid iam ego com-
memorem satis exploratas ignis in Artium
vniuersitate victorias? An non oculis
omnium palam est, scintillam ignis mi-
nimam bellicis tormentis admotam, &
pyrij nutrimento pulueris repente adul-
tam, obuia quæque perfringere, moenia
distur-

disturbare , arces euertere ; omnia labefactare ? Vt iam non tam ferri , quàm ignis in manu victoria sit . Et sanè victoria , *Ioan. ep. 1.6.8.* quæ vicit mundum , illi debetur Igni , qui procedit ex Deo Deus . Nam omne , quod ortum habet ex Deo , vincit mundum . *Ibid.*

Circumspicere licet omnia ferme regna terrarum ab hoc Igne prostrata . Sed ille fortasse clarior sit flammarum triumphus , quem de metallis , inanimæ naturæ parte præcipua , tunc reportant ; cum eorum formam , ac vim inuicem commutando , supremam in ea præferunt potestatem . O singularem hic etiam , atque admirabilem cœlestis Ignis efficacitatem . Plumbea mortâlium corda , quæ ponderosa sceleribus in terram , imò infra terram , in medium pœnarum locum ferebantur , in argentum verfa sunt integerrimi candoris ; in aurum pretiosissimæ charitatis : quo duplici pretio cœlum est venale mortalibus . Et dubitabimus Ignem hunc appellare victorem ; qui multò , quam alter , ampliùs , ac luculentius de rebus procreatis omnibus triumph-

triumphauit. Sed ab hominibus declarari victor, aut coronari non habet opus; qui corona Sanctorum hominum est; & hodie capitis infidet, vt corona neque nostras expectat acclamationes, & plautus, qui suis Igneis linguis aptissimum canit sibi Parana victoria.

D I X I.

L A V S D E O.

